

Oleh Nurul Hidayah Bahaudin
nurul.hidayah@hmetro.com.my

Waspada tanah mendap!

Bentong

Pengendali Lebuhraya Kuala Lumpur Karak (KLK), Anih Berhad mengesahkan pihaknya menutup sebahagian lebuhraya itu di kedua-dua arah susulan tanah mendap di Kilometer 66.2 berhampiran Plaza Tol Bentong di sini, malam kelmarin.

Anih Berhad dalam kenyataan memaklumkan semua pengguna menuju ke Kuala Lumpur dari Kuantan diarahkan keluar di persimpangan Bentong Timur dan masuk semula di persimpangan Bentong Barat.

"Bagi pengguna dari Kuala Lumpur menuju ke Kuantan dilencongan ke persimpangan Central Spine Road (CSR).

"Kenderaan menggunakan CSR dari Pantai Timur boleh meneruskan perjalanan ke Kuala Lumpur.

"Bagaimanapun penggu-

Lebuhraya Kuala Lumpur-Karak ditutup di kedua-dua arah



MENDAPAN tanah di KM66.1 Lebuhraya Kuala Lumpur-Karak dekat Bentong menyebabkan semua lorong di lokasi itu ditutup.

na dari Kuala Lumpur yang menuju ke Gua Musang, Kelantan perlu keluar di persimpangan Bentong Barat dan masuk semula melalui persimpangan CSR Bentong," katanya.

Menurutnya, punca kejadian masih dalam siasatan dan pengguna dinasihatkan menggunakan laluan alternatif.

"Ketika ini pasukan tek-

nikal Anih Berhad, LPT Ronda dan polis membantu mengarahkan kenderaan menggunakan lencongan ke laluan alternatif disediakan," katanya.

Menurutnya, pengguna lebuhraya dinasihatkan mematuhi papan arah serta arahan petugas di lokasi.

"Sila rujuk laman sosial rasmi Lembaga Lebuhraya Malaysia, Anih Berhad di

AWAS! TANAH MENDAP DI KM 66.1

Dari Kuantan ke Kuala Lumpur keluar di persimpangan Bentong Timur, masuk semula di persimpangan Bentong Barat.

Dari Kuala Lumpur ke Kuantan dilencongan ke persimpangan Central Spine Road (CSR).



Twitter @LLMTrafik @LPTTrafik dan Facebook @Lembaga Lebuhraya Malaysia @Lebuhraya Pantai

Timur untuk maklumat lanjut, tepat dan terkini.

"Maklumat terkini boleh didapati di Youtube @ANIH

TV atau hubungi hotline LLM di 1800-88-7752 dan LPT Line di 1700818700," katanya.